

1MDB naïf tawar pinjaman perniagaan, dakwa didalangi individu menyamar
Astro Awani
Ogos 11, 2016

KUALA LUMPUR: Syarikat pelaburan strategik negara 1Malaysia Development Berhad (1MDB) telah dimaklumkan terdapat individu-individu tertentu yang menyamar sebagai pegawainya, sambil menawarkan pinjaman perniagaan dan mengutip yuran pemprosesan.

Dalam satu kenyataan pada Khamis, 1MDB nafi pernah menawarkan apa-apa pinjaman perniagaan atau membenarkan mana-mana pihak untuk mengutip bayaran berkaitan dengan syarikat itu.

"1MDB ingin menasihati orang ramai bahawa syarikat itu tidak pernah menawarkan pinjaman perniagaan atau pernah membenarkan mana-mana pihak untuk mengutip yuran atau caj untuk memproses sebarang permohonan berkaitan 1MDB," kata kenyataan itu.

Syarikat itu memaklumkan telah membuat laporan polis dan meminta sesiapa sahaja yang didatangi individu-individu berkenaan untuk turut segera melaporkannya kepada polis.

Semalam, Jawatankuasa Kira-Kira Wang Negara (PAC) berkata tidak ada keperluan untuk diadakan semula siasatan terhadap 1MDB.

Pengerusinya Datuk Hasan Arifin berkata, ini kerana laporan jawatankuasa tersebut telah dipersetujui semua ahlinya sebelum ia dibentang di Parlimen.

Tag: [1MDB](#), [menyamar](#), [laporan polis](#), [pegawai perniagaan](#), [1Malaysia Development Berhad](#)

© 2016 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/1mdb-nafi-tawar-pinjaman-perniagaan-dakwa-didalangi-individu-menyamar-113700>